



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Decano & Capitulo Cathalaunensi.

urn:nbn:de:hbz:466:1-20006

Archiepiscopis Episcopis, Abbatibus, Prioribus & Universitatibus, Capitolis, Comitibus, Baronibus, Civibus, & aliis per Apuliam, & terram Laboris, & ducatum Amalphiae constitutis.

*Epiſt. 21.
Providetur gu-
ernationi A-
puliae & terre
Laboris.*

AD vestram volumus audientiam per-
venire quod de dilecto filio G. fra-
tris militiae templi familiaris nostri & nobi-
lis viri Lug. & M. de Potentia legalitate
ac prudentia conſidentes, conſtituimus
eos Magistros Camerarios Apulie & ter-
rae Laboris, & iustitiariatus officium in
demanio totius Apulie & terraे Laboris &
ducatus Amalphiae ipſis committimus ex-
quendum. Monemus igitur universitatem
vestram & exhortamur attentiūs, & per
apostolica scripta mandamus atque
principimus quatenus eis de omnibus prae-
teritis & praesentibus & futuris quae ad
magisterium camerariatus pertinent in-
tendatis, & de his quae in demanio Regis
ad iustitiariam spectare noscuntur, curretis
eisdem ad mandatum & Regis honorem &
regni profectum humiliter intendere. Da-
tum Anagniae X. Kal. Maij.

VVigorniensis Episcopo.

*Epiſt. 22.
De facultate
appellandi se-
dem apostoli-
cam.
Cap. 47. de ap-
pellatione.*

EX parte tua fuit propositum coram
nobis quod cum inter Anglicos &
Wallenses sint inimicitiae manifestae, & ad
partes illas Anglicis periculosus sit transi-
tus pro viarum periculis & guerra, que
inter gentes illas frequens esse dinoscitur
vel continua, multi de causae sua meritis
diffidentes te aliquando vel tuos auctorita-
tate literarum nostrarum trahere satagunt
ad judices in Wallia constitutos, ut sic in-
defensas causas, etiam iustissimas, reli-
quatis, vel compositionem subeatis injus-
tiam pariter & damnosam. Cum igitur
causas quas committimus sic velimus sine
debito terminari quod neutra partium
contra iusticiam aggravetur, fraternitati
tuę presenti pagina taliter respondemus,
quod cum talis excusatio sit honesta, cum
ad praesentiam delegatorum judicum non
potest securè venire citatus, tu vel tuj,
quotiens ad illos judices vos evocari conti-
gerit ad quorum praesentiam vobis pericu-
losum est ire, liberè poteritis ad sedem
apostolicam appellare, etiam in literis
commissionis nostrae appellationis fuerit
remedium interclusum, nisi judices ipſi vo-
bis assignent locum idoneum & securum.
Datum Laterani X. Kal. Maij, pontifica-
tus nostri anno quinto.

Eidem.

Licet appellationis obstaculum ad re-
medium inventum fuerit oppreſſo-
rum, multi tamen oppresi indulto benefi-
cio abutentes, illud in clypeum iniquae de-
fensionis affumunt, ut & correctionem va-
leant effugere prelatorum, & liberius que
religionem non sapient exercere. Ad au-
dientiam siquidem nostram te significante
peruenit quod cum ad abbatias & alias
domos conuentuales tuae diocesis, juxta
quod officij tuis sollicitudo depositit, visita-
turus accedit, ut errata corrigas, & di-
canda aedifices, & deſtruenda deſtruas,
Abbes, Priors, seu alij locorum eorum
dem rectores, ut canonican correctionem
evitent, appellationis obstaculum interpo-
nunt, ac ſic tuum conantur propositum
impedire, ut neque de intrinſeca vel ex-
trinſeca correctione locorum ipſorum ali-
quid valeas ordinare. Volentes igitur &
fraternitati tuae deferre & præumptioni-
bus occurrere malignantium, devotioni
tuę auctoritatem praesentium indulgemus
ut quotiens te ad Ecclesiā conuentuales
diocesana tibi lege ſubjectas necessitas vel
utilitas traxerit, non obſtantē appellationis
objectu, ſi qua interpoſita fuerit in elu-
ſionem ecclesiastica discipline, liberè de
prudentum & religiosorum confilio in eis
corrigenda corrigas & ſtatuaſ que ſecun-
dum Deum fuerint ſtatuenta. Datum La-
terani VIII. Kal. Maij.

*Epiſt. 23.
Interdum no-
ſe deferen-
dum appella-
tionibus.*

Decano & Capitulo Cathalaunensi.

CVM nuper Ecclesia vestra pastoris
foret regimeſe deſtituta, vos conve-
nientes in unum, ſuper electione habuiftis
Pontificis ſubſtituendi tractatum, ſed in-
telligentes quod vestra vota erant diviſa,
licet aliquos duxeritis nominandos, ad
electionem tamen nullatenus processifis,
ſed ad ſedem curaſtis potius apostolicam
appellare. Cum ergo dilectus filius R. Ar-
chidiaconus & G. Canonicus vester ex
una parte ad nostram praefentiam accessi-
ſent, poſtulabant à nobis dilectum filium
Willemum de Iovisvlla Ecclesiæ veſtræ
Canonicum in Episcopum ſibi dari. Ve-
rūm dilectus filius Decanus Meldenſis, qui
pro parte altera miſſus fuerat procurator,
licet proponeret dilectum filium I. majo-
rem Archidiaconum Ecclesiæ à parte pro
qua venerat poſtulatum, petiit tamen ex
adverſo electionis vobis licentiam non au-
ferri, ſed remitti potius utramque pariter

*Epiſt. 24.
De electione
Episcopi Cata-
launensis.*

I i i iij

ad Ecclesiam memoratam, ut illic vobis personam eligeretis idoneam in pastorem. Nolentes igitur vos eligendi potestate pri-vare, & partes ad propria remittentes, universitati vestrae per apostolica scripta mandamus districte præcipimusque quatenus infra mensem pro præsentationem literarum istarum personam idoneam de gremio ejusdem Ecclesie, si talis in ea poterit reperiri, vobis canonice in Episco-pum eligatis, & si electio facta fuerit in concordia, ipsam venerabili fratri nostro W. Remensi Archiepiscopo sanctæ Sabinae Presbytero Cardinali apostolicae sedis Legato repræsentare curetis; quam si ca-nonice factam repererit & de persona idonea celebratam, per eum mandavimus confirmandam, & electum in Episcopum consecrandum. Quod si forsitan non pote-ritis convenire, sed plures duxeritis eligen-dos, eidem Archiepiscopo & venerabili fratri Episcopo Parisiensi & dilecto filio Primicerio Metensi dedimus in mandatis ut omni gratia & timore postpositis, ex-aminatis prudenter & studiis elegantium & meritis electorum, quem magis utilem Ecclesie viderint, electionem ipsius, dummodo canonica reperiatur, nullius contra-dictione vel appellatione obstante con-firment, reducentes in irritum si quid ante susceptionem præsentium literarum in-venierint attentatum, alioquin utraque elec-tione cassata personam vobis idoneam sublato appellationis obstaculo in Episco-pum assignare procurent, ut vos ipsi tan-quam Episcopo vestro debitam exhibeatis reverentiam & honorem, monitione præ-missa per censuram ecclesiasticam appella-tionem postposita compellentes; si vero non omnes his exequendis valuerint aut nolue-rent interesse vel etiam convenire, prædic-tus Parisiensis Episcopus cum altero ea nihilominus exequatur. Datum Laterani VIII. Kal. Maij.

Patriarchis, Archiepiscopis, Abbatibus, Prio-ribus, & universo clero in transmarinis partibus constitutis.

Epiſ. 25.
De Legatis de-stinatis in ter-ram sanctam.
Vide gesta In-no-centij III.
cap. 46.

SI sub potenti manu Domini humilia-ſet se populus Christianus, nec præ-sumpsisset contra stimulum calcitrare, sed flagellum quod ex justo judicantis judicio suæ videbat imminere cervici, suis crimi-nibus imputasset, ascendisset ad Dominum forsitan clamor noster, & ipse qui misera-tor & misericors est, tristitiam nostram in gaudium convertisset. Verum quia omnes

declinavimus, simul inutiles facti sumus, nec est qui faciat bonum etiam usque ad unum, nec placatus est haec tenus Domi-nus nec pepercit, sed usque nunc manus ejus mansit ad flagellum extenta. Sanè si dissimulasset populus cismarinus crucis in-juriam & opprobrium crucifixi, nec se fla-gellatum in occupatione terræ nativitatis dominice credidisset, vos tamen, qui & stra-ges vestrorum & viætrices hostium acies è vicino vidistis, non debuistis profanatio-nem civitatis Hierosolymitanæ, coinqui-nationem templi dominici, vincula & cap-tivitates vestrorum, occisionem gentis no-stræ, ac translationem salutiferae crucis, in qua salus mundi peperit, siccis oculis intueri, qui debuerant potius deducere la-crymas per diem & noctem, ut sic saltet Dominum ad misericordiam provocarent, quatinus cum vos conversi fuissetis ad ip-sum, & ipse converteretur ad vos, & pro-pius fieret peccatis vestris, & vestre dignaretur miseriae misereri. Verum quia nec cismarini nec ultramarini haec tenus, sicut debuerant, Dominum placaverunt, quasi frustra prædecessores nostri Romani Pon-tifices laborarunt, frustra laboravit etiam populus Christianus, nisi forsitan quamplures, et si Hierusalem terrenam recuperare nequiverint, cælestem tamen, ut credi-mus, palma martyrij adepti sunt. Cum ergo nos, prædecessorum nostrorum vesti-giis inhærentes, fidelium populos ad sub-fidium terre sanctæ duxerimus common-endos, etiam eo favente qui actiones no-straras aspirando prævenit & prosequitur ad-juvando, multi nobiles & potentes de regno Francorum, immo etiam multa de di-versis partibus multitudine assumpserint sig-num crucis, & in subventionem vestram viriliter accingantur, ne, quod absit, inani-s sit labor eorum, zizania inter eos su-perfeminante homine inimico, si angelus qui de ipsorum medio colligat omnia scandala non mittatur, dilectis filiis nostris S. tituli sanctæ Praxedis & P. tituli sancti Marcelli Presbyteris Cardinalibus aposto-licae sedis Legatis, viris providis & discre-tis, tam in opere quam sermone potentibus, laborem injunximus peregrinationis, ut uterque, vel alter eorum, exercitum Domini cum humilitate præcedat, & eum in concordia foveat, & ad pacem revocent impacatos. Verum ne in vacuum nos & ipsos laborare contingat, si ultra maligni populi demereantur merita quod cismarini non de suis meritis sed divina potius mis-